

## Veitshöchheim

Text und Musik Roland Breinbauer 2016

Freidoch Ahmd haid is suu waid,  
iich hob mi is ganzä Johr draf gfreid.  
4 Millionä schauä zou,  
is doch glor iich kä a dä zou.  
Dou kummd mai Frau sachd gemmä zum Essn,  
dej Faschingskaschbä konnst doch allä vergessn.  
Obä iich, iich bleib dä Ham, waal;

Haid kumd Veitshöchheim,  
dou mou iich dä Ham bleim.  
Södä und Beckstein,  
ja iich mou dä Ham bleim.

Mai Frau is fodd, 20 Uhr 10,  
die Stimmung steichd, iich mach mäs bequem.  
Ja dou glingld is Telefon dä Herbäd is dro  
(sacht) kumm gehj nu ä Stund mit in Fitnessstudio.  
Wail dä Dreggsagg dä Müllä is überhabzned dä Knullä,  
und vum Rassauer lass iich mir in Ahmd ned versauä.  
Obä naa, iich bleib dä Ham, waal:

Haid kumd Veitshöchheim,  
dou mou iich dä Ham bleim.  
Södä und Beckstein,  
ja iich mou dä Ham bleim.

Halbä Zwölfä die Sendung is aus,  
in däm Momend kummd mai Frau nach Haus.  
Sie sacht, sie wor middn Herbäd bam Chinesn,  
wor des ä scheenä Ahmd gewesen.  
Und nächst Johr wills des widdä suu machen,  
wal ibää dai Polidigäbagasch dou konn doch kannä lachn.  
Obä iich bleib dou widdä dä Ham, waal dann läfd widdä:

Dou läfd Veitshöchheim,  
dou wä iich dä Ham bleim.  
Pronold und Hermann,  
ja iich bleib dä Ham.

Haid kumd Veitshöchheim,  
dou mou iich dä Ham bleim.  
Seehofer Beckstein,  
ja iich mou dä Ham bleim.

Haid kumd Veitshöchheim,  
dou mou iich dä Ham bleim.  
Barbara Stamm,  
ja iich bleib dä Ham.